

inuocabimus. Inuocauit me & ego exaudiam eum & cetera; Epistola ita.
 Tempore accepto exaudiui te & in die salutis adiuuante. Et in responso
 Angeli domini custodiunt nos; Scuto ueritatis circumdati sumus. In euangeli-
 gelio ad triumphum tendimus. ut discamus inimico uade satana in in-
 tertium. In genealogia hominis christi. in quo iste triumphus tripudiat.
 numerum presentem quadragésime matheus sanctificat. que qua-
 dragenario ^{nūo} generationū scribit. descendisse a terris. Unde Augustinus
 in libro secundo de consensu euangelistarū. Acute enim aduersus est
 matheum. qui regiam in christo instituerat in sinuare personam. excepto
 ipso christo quadraginta homines in generationū serie nominasse. Nu-
 merus autem ipse illud tempus significat. quo in hoc seculo & in hac
 terra regi nos oportet a christo. Secundum disciplinam laboriosam. qua flagel-
 latur deus ut scriptum est. Omne filium quem recipit. De qua dicit apostolus.
 Per tribulationem oportet nos intrare in regnum dei. Ergo numerus iste
 laboriosi huius temporis. sacramentum. quo sub disciplina regis christi ad-
 uersus diabolum dimicamus. & iam illud declarat. quod quadraginta dierum ut
 ieiunium. hoc est humilitatem anime consecrauit. Et lex & prophete. per mo-
 ysen & heliam. qui quadragenis diebus ieiunauerunt. & euangelium
 per ipsius domini ieiunium qui diebus quadraginta & iam temptabatur
 a diabolo. Quid aliud. quam per omne huius seculi tempus. temptationem nostram
 in carne sua quam de nostra mortalitate assumere dignatus est per figurat;
 Sic quadagesimus est numerus. qui inchoatur a sequenti domini
 ca post quinquagesimam finitur. quinta feria ante pascha domini
 que uocatur coena domini. Uarietatem diei caene scribemus si dominus de-
 derit in memorata procha. hoc enim sufficit hic commemorare. quod qua-
 draginta a supra dicto dominico duo dies supersint usque ad baptismum